

تسريب (2) - شفيق: حيوضبوا للسيسي كل الصناديق وحتبقى عملية هزلية ملعوب فيها كلها



الأربعاء 12 مارس 2014 12:03 م

نشرت شبكة رصد الاخبارية مجموعة من التسريبات للهارب أحمد شفيق يتحدث فيها عن ترشح الخائن السيسي للرئاسة

نص التسريب:

أحمد شفيق:

لأ طبعاً انسحابهم هو مش كلهم على كل حال طبعاً انسحابهم مرهون بترشيح السيسي أنا قلت إيه لو نزل انتخابات مش حانزل مش مجرد ترشيحه يعني أول ما يترشح أنا حاعمل الورق بتاعي وحبقي مرهون إذا هو حينزل لأنني أعلم إنه هو حيوضبوله كل الصناديق حيوضبوله الدنيا عملية عملية حتبقى هزلية وهيه من الأول خالص من الأول ما الجيش أعلن ترشيحه مكنش يعني أنا أعتقد إنه يمكن لو جاله ضغط يعني يخلي يعني يلفت نظر العالم... إنه هو الواحد ما يترشحش مش محبه فيه لأ لأنه الميكانيزم مش حيمشي سليم

إيه أواجه إيه اللي هيه لو معركة حواجه.. إيه العبط اللي بيقولوا ده إيه الناس السطحية دي حاجة الدولة حتشتغل لحسابه الدولة حتشتغل لحسابه إيه المواجهة؟ المواجهة إنه أنا الشطارة إنه أخش وأجيب 10% وأطلع؟ الشطارة أخش وأجيب 8% وأطلع؟ إيه الشطارة في كده بقى؟ إذا كنت أنا عارف إيه اللي حيطلع إذا كانت مواجهتي حتعمل نتيجة ماشي لكن العملية ملعوب فيها ملعوب فيها كلها يبقى إيه بقى!.. لا يعني طبعاً إيه الرجولة اللي فيها يعني؟ هيه دي "فير فايت"؟ هل هيه يعني معركة شريفة؟

(

طالع أيضا

- تسريب (1) - أحمد شفيق: ترشيح الجيش للسيسي "جهل غريب وقلة خبرة وحتبقى مهزلة"
- تسريب (2) - شفيق: حيوضبوا للسيسي كل الصناديق وحتبقى عملية هزلية ملعوب فيها كلها
- تسريب (3) - شفيق: بكرى قال "حنشيله ونحطه على الكرسي" و "تهاني الجبالي مثال للتكسب"